Landesbibliothek Oldenburg

Digitalisierung von Drucken

Disputationes Chirurgicæ Selectæ

Haller, Albrecht von Lausannæ, MDCCLVI.

VD18 90538986

CXXXIII. Quaestio Medico-Chirurgica.

urn:nbn:de:gbv:45:1-16618

CXXXIII

QUÆSTIO MEDICO-CHIRURGICA,

Praside

M. ANTON. NICOL. GUENAULT,

Resp.

URBANO VANDENESSE BACC.


An vulnerata crurali arteria ab amputatione auspicandum?

Parifiis I Martii 1742

Tom. V.

Y





MANTON NICOL GUENAULT.

ULBANO VANDENESSEBACC.

As culin at a crurali sisteria ab amputatione anspira-

Pattie i Marti 1742.



Videnter therapeutices pars, chirurgia. Meditando leges curandi ponit, & scientia amat dici: manu famulatur, & artis nomine insigniri folet. Non primis hominum temporibus fuit exculta. Bellum, matribus deteftatum, eth accelerat lethi gradum, heu nimis præcipitem, primum cæpit excoli : trucidandique fratris peritus frater prius fuit , quam fervandi. Est qui hostium gladios à civium capitibus avertat : est qui mortem, fimul cum telis vibratis, e fauciis corporibus extrahat; utri deferenda palma sit, ab antiqua ne quæsieris Roma, quæ victoriæ omnigenas, chirurgiæ nullas nexuit coronas. Oculatiores posteros ad se rapuit tandem perspecta artis necessitas, nec eam clarissimorum virorum cultu nobilitatem, inventis ornatam, ipfa heroum ingenia fastidierunt. In bellorum cunis vagiit, cum bellis adolevit. Dum pax, dum aurea vigebat fides, in tumorum, luxationum, leviorum morborum curatione chirurgia tota verfabatur. Verum ex quo ruptum est concordiæ vinculum, ex quo ferrum e terræ penetralibus erutum, in tela, gladios, explodendosque globos excusum est, infolentium vulnerum cohors terris incubuit. Corporis humani structura partium offenfarum indagatione luculentius explorata est, & ex læsionum varietate multiplices inventæ sunt ac perfectæ curatricis manus operationes. Earum nulla prudenti magis indiget cunctatione, quam quæ membri alicujus resectionem molitur. Nec plane damnetur veteris medicinæ fævitia, quæ ustione torquere partem maluit, ut servaretur, quam tractare mitius, de repente abscindendo. Recentioribus felicius innotuere partium omnium connexiones & consensus: cur his tutandis minus consulerent? Cur scinderent membrum præcipites, quod benigniori possunt opera servare ?

franklika ermen L Lame by ching a manada de frank

Corpus humanum, machina hydraulicopneumatica, conflatur ex implexu tubulorum, figura, diametro, textura diffimilium, humoribus, fpiritibusque quoque versum meabilibus, sensus, motus, vitæ auctoribus turgidorum. Ex innumeris ipsi tubuli coalescunt fibris cavis, sexilibus, peculiari tono donatis, ac resilire habilibus. Hæ simul coëuntes, non tantum canales longo tractu dissociatos formant, sed modo expansa tenuium propaginum divaricatione, retis, vel telæ speciem induunt; modo plurimis orbibus simul convolutæ, glandulas effingunt. Ex minimis canaliculis cartilagines, musculi, membranæ, vasa, incernicula, glandulæ, pro situ, textura, sigura atque inter se cohæsione aptantur. Inter ista organa alia vectium, alia cuneorum, trochlearum & elaterum

vices obeunt; alia ponderis, alia potentiæ officio defunguntur. Scrutare nunc artus supra & infra corpori aptatos, cavitates, visceraque in his latitantia, sede, magnitudine, officio discrepantia. In hac artificiosa machina consensus unus, conspiratio una. Pronum est hujus partis in illam vitium : una læsa, singulis periculum imminet. Alteruter saucietur cordis finus, cerebrum, non fecus ac corporis recessus omnes, vitalis laticis orbatur appulsu; deficiunt spiritus, sistuntur motus, fugit anima. Partium aliarum, etsi fovendæ vitæ minus necessariam, conditionem ne spernat chirurgus. Ad corporis ornatum artus ita sunt à natura comparati, ut, obtruncato uno, elegans symmetriæ concinnitas detrimentum irreparabile patiatur. Quis non movendus lapis, ut præcaveatur deformitas, corpori debilitatem, mœrorem animo haud dubie illatura? Age vero, quam periculi plenum opus amputatio! Sæpe crus, brachiumve impune resectum est, ignorare non licet, quod magistra clamat experientia. Non inde tutum putes ακρωτηριασμόν. Suum pars quæque corpori præstat munus, suum persolvit quæque vitæ promptuario vectigal. Ubi ramum fustuleris, utili defraudatum officio truncum esse judicabis. Exciso femore, non minor in cerebro spirituum copia secernetur, non parcior fiet агнатыон. Spirituum in ablatam partem excurrentium quo vertetur impetus? In eandem evibratus, quo se recipiet sanguis? Angustioris impatiens orbitæ, tumultuabitur uterque liquor : hinc metue vasorum insolito sub pondere fatiscentium obstructiones, resolutiones, rupturas; hinc febres, apoplexias, mortem ipsam omineris. Hæc perpende sedulus, e dextra tibi ad abscindendum pronior culter excidet, leviorique auxilii genere tentabis animam retinere fugientem. Extremo premente malo, extremam feres opem , amputando.

inidate mudden in I I I.

Arteria vas conicum, pulfans, elaflicum, multiplicium ramorum parens, fanguinem à corde ad omnes corporis mæandros defert. Ab ampliori diametro in angustiorem pergit: versus extrema, ipsus ramuli canalis cylindrici formam induunt, in plexus reticulares mutantur, tandem in venas, vasa lymphatica, aut ductus excretorios desinunt. Quadruplici membrana constat arteria; prima vasculosa dicitur, ob innumera eam perreptantia vasa, quæ nutritium vehunt succum; secunda glandulosa, a glandulis quibus interspergitur; tertia musculosa, à fibris annularibus, unde robur & vis resiliendi, aliam cellulosam addit Ruyschius. Posta hac arteriæ structura, patet arteriam sedem aneurysmatis esse. Hinc nascitur aneurysma in omnibus corporis partibus, sive internis, in brachio, semore, circa pectus, in cerebri membranis. Concludas arteriarum morbum frequentissimum esse aneurisma; duæ si quidem universum corpus, falutant arteriæ, pulmonalis arteria, & aorta, ex quibus cæteræ, tanquam rami

rami à trunco, oriuntur. Ex ascendenti, brachialis arteria ad flexuram cubiti plerumque indivisa descendit, ramulos brachio impertiens: in radieam ac cubiteam dividitur, quæ per manum ac digitos propagantur. A descendente, cruralis arteria in externam minorem, per exteriorem femoris partem, & internam majorem abit, unde poplitee, surales, tibiales, & quæ per extremum pedem, appellationibus destitutæ, descendunt. Ancurismatis vocabulo tumorem sanguineum, ab arteria, vel dilatata, vel abscissa factum intelligimus. Duplex statuitur species. Aliud verum & genuinum dicitur, aliud spurium. Utrumque vel ab interiori causa sit, ve ab externa. Primum ex debiliori, rariori arteriarum textura, vel exterioris tunicæ rosione, ruptura, vasis obstructione, ictu, aut casu originem du-cit. Unde sit, ut interior perenni sanguinis appulsu sensim laxata & dilatata, in ingentem tumorem demum fuccrefcat. Altera species spurium aneurisma dicitur, à sanguine veluti concreto, qui ex arteria secta, vel erosa subter cutem effusus, membranaceam, carnosamve substantiam ementitur. Hic tumor multiplici discrimine, à priore sejungitur. Ille rotundior magis eminet; hic planior magis diffunditur: in illo cutis nativum servat colorem, in hoc alienum induit, lividum puta: in illo deprehenditur pulfatio valde manifesta, in hoc obscura, vel nulla. Observes hac pulsatione fortiori, vel debiliori aneurisma ab aliis tumoribus, & præcipue à tumoribus varicolis ipfi affinibus distingui. In arteriis minimis aneurifmatis curatio facile cedit, in majoribus, hoc opus, hic labor videtur. Multos etenim à recta salubrique curandi ratione deterret incerti eventus obscuritas, timidaque præsentia futurorum. Pars aliqua notæ vilioris ægrotat, confidenter adhibetur medela, prosperosque ducit ad exitus. Nobilius organum consimili deinceps tentatur affectu, suspensus hæret medicus, eandem respuit curandi viam ; remedium , quantumvis non infeliciter tentatum , partis præstantia videtur detrectare. Interrito nullus viderit animo sanguinem e cælis arteriis profilientem. Spumeum diceres torrentem, nullis cohibendum aggeribus, molesque oppositas gurgite rapientem. Vulnerata crurali arteria, erumpit vitæ fons, brevi exhauriendus, purpureamque tandem vomiturus animam. Ægrum, aftantes, chirurgum unus omnes quatit horror: ac veluti deflagrantis ædificii vicina tecta, ceu incendii nutrimenta, præciduntur, sic microcosmi partem, ne ruat ipse funditus, resecandam esse clamant. His non obsequentur clamoribus, nisi qui tritam imperitioris chirurgiæ calcant viam, nihilque confilñ ab ingenio suo extorquere usquam potuerunt. Prodeant peritiores Magistri, crudelis operis apparatum disjecturi, manumque præbituri leniorem. Prodeant, quibus tot vias ad falutem sternere datum est, quot patent aditus ad mortem. Hi quippe penetralia corporis affidue perscrutando, compererunt occultas esse complures vias, quibus ex insperato quasi ab orci faucibus proripit se natura. Nonne per sua singuli diversoria procedant rami multiplices, quorum intellecto commercio, vas unicum corpus merito dixeris? Inde noveris providam fummi



artificis sagacitatem, qua cautum est, ut vitæ arbiter liquor exactius distribueretur, provinciaque obtruncati, vel obliterati vasis, a vicino coeunte gereretur. Nonne ægro ad extrema redacto vitam selici ausu restitutam constat, nec alia ratione perfici chirurgiam potuiste? In spurio arteriæ cruralis aneurismate, sanguinis cum impetu exundantis cohibendus est esturus. Fies voti compos. Aperti canalis extremum adstricto comprime vinculo, erumpenti sanguini præcludetur exitus, simulque cum toto corpore supersses pars utilis remanebit. Neque amputandi rationem artificum recentiorum industria perpositam jactites, ut ab ea non ita videatur abhorrendum: quantumvis simplici ad secandum indigeas apparatu, minus terroris incutietur ægrotanti, non minus lugenda calamitas.

IV.

Rgro, ut par est, commode collocato, superiori semoris parti laqueum injicies, torculo vehementer constringendum, quo sanguinis eruptio pro arbitrio moderetur, ea cautione, ut folus comprimatur arteriæ truncus, vafa autem lateralia, interpositis hinc inde & dextre elevatis spleniolis, à comprelsione protegantur, & ut subdita laqueo chartacea lamina impediatur, quo minus cutis cum dolore corrugetur. Si carnibus inflictum vulnus non fatis pateat, ut fecta fui copiam faciat arteria, fupra & infra, fcalpello perita manus incidat, valis aliis, nervisque infignioribus parcitura, donec injiciendæ ligaturæ locus veniat in conspectum. Hoc satis nudato, acum incurvam cerato filo, vel tæniola instructam subter trajice, cavendo ne simul nervus devinciatur, fed non nihil e subjecta carne comprehendendo, ut firmiter ligatura confiltat. Tum, interjecto spleniolo, vinculum ita constringe, ut sanguini appellenti deturbari nescius obex opponatur. Altero filo pari ratione traducto infra vulnus arteriam subligabis, ne concurrentium vasorum restuente sanguine, hæmorrhagia recrudescat. Observabis non nisi inflexis genu & femore, opus aggrediendum, quo facilius disrupti & elastiei vasis labia coeant. Ubi demum sanguini viam omnino præclusam esse comperies, quod torculo laxato explorabis, linamento multiplici, spleniis gradatim super additis, idoneaque fasciatione operi coronidem ac firmamentum impones. Vulnere sanato, fascia gestanda est, & non nisi post annum folvenda, idque non fubito, fed primo paulo lenius vinciendum, deinde laxius, & tandem plane aufertur; quamvis eam per totum vitæ curriculum geltare præstet. Quis te postea anget metus? An terrebit te præcisum iter vitali fucco, cujus benigno affluxu carere diu subjectæ partes non possunt, quin lethali putredine corripiantur. Si quando chirurgus; vel incaute, vel imperite defixo in brachii arteriam phlebotomo, fanguinem cernat subsultim erumpentem, coccineo colore in citrinum vergente, an falutis unica spes in humeri amputatione? Apage truculentam illam suppetiarum inopiam. Postquam sanguis ad λειποθυμίαν usque profluxit, vel imposito densioris texturæ spleniolo, sive chartæ masticatæ glomere, peculiaris sasciationis ope firmato, vel injecta ligatura cohibetur. Id operis seliciter cedere constat, neque inde corporis vitam, sive brachii incolumitatem admodum periclitari crebra docuerunt experimenta. Vulneratam cruralem arteriam, simili chirurgia in gravius discrimen adduci renuit mens sana cogitare.

V

Esto: brachiali ramo opitulentur ligatura & compressio. An ideirco cæteris arteriis eandem opem ferent? Arceatur hæc infida & male sana curandi methodus? Curationem potius caustico aggrediaris. Sed causticum, ut poté providentia destitutum, tam nervo, aut tendini, quam absumendæ parti labem inuret. Minus formidanda ligatura. At inquies, arteriæ rori distribuendo dicantur, & ad extremas usque partis arteriolas nutritium rivulum deferunt. Si ligentur arteriæ, aut comprimantur, nonne pars infra ligaturam, fucco, quo jugiter à trunco avolantium particularum jactura refarciri solebat, defraudabitur, brevi peritura? Quam dispar à trunco ramus! Ipso deficientes, provinciam gerit ipse truncus, aut alii rami. Casa vero arteria, ad plutonias ædes detrudis ægrotantem, si audax nimium ligaturam tentes. An non peritior chirurgia parti vulneratæ torculum illico admovebit? Crudelis sane medela, sed has inter angustias, partem resecare præstat, ne labes corpori sincero inuratur. Non me tua tamen dicta terrent. Experientia constat, aneurismatis brachii curationem ligata arteria cedere, ipse licet brachialis truncus phlebotomo pungatur. Eccur in crurali arteria ligaturam adhibere piaculum foret? Cuique arteriæ famulantur vasa lateralia, quorum usus idem ac trunci. Quid obstat quominus hæc lateralia vasa obtruncati canalis vices adimpleant? Eccur paulatim à tergo premente sanguine dilatata ita non ampliarentur, ut truncorum nomen & conditionem mererentur? Ab illo vasorum connubio aneurismatis curationem ducas. Si ex. gr. læsus arteriæ brachialis ramus cubitam devinciatur, vicino radiao sanguis excipitur, huc illuc in subjectas partes inosculationum ope discursurus, toti postmodum brachio, sensim ampliatis tenuium tubulorum utriusque rami communium furculis, caloris fomitem, nutritiofque rivos abunde largiturus. Nifi forte arguerit quispiam arteriæ fauciatæ ligaturam infeliciter cedere, quoties fupra duorum ramorum cubit.ei & radi.ei e brachiali trunco prodeuntium originem vulnus inflictum est. Verum quam te inanis ludit timor! Norunt docti ac periti, ramos quosdam ex superiori parte arteriæ brachialis versus offis humeri condylos descendere, ubique plures hinc inde surculos emittere. Norunt ab arteria cubitali, ut à radiali, ramulos sursum restecti versus eosdem condylos, ibique surculos spargere, surculis descendentibus arteriæ brachialis, per exiles, maxime pervias ac fapius demonstratas avascuaσεις, unitos. Rivulorum tenelli confluentium tubuli ne fasciarum pressu strangulentur apta spleniorum intercapedine gnarus facile præcavet. Quod

porro præstat munus in artubus superioribus ista corrivatio, idem in inferioribus adimplebit arteriæ cruralis ramulorum descendentium & utriusque arteriæ tibialis surculorum recurrentium, sive ascendentium communio circa poplitem & juxta genu, non ita pridem ab oculatissimo & anatomicorum sid. simo D. D. Winslow demonstrata. Utrobique scilicet eandem sere vasforum structuram, pares divisiones, non diversas conjugationes spectabis; cur absimiles ederentur essectus? Neque quicquam interest, inquit Cessus, an satis tutum sit remedium, quod unicum est. Obsimato stes igitur animo, ubi cruralem arteriam ligaveris. Si frigus indomitum gangrænam portendat, non erit inde quod te conatus pœniteat; omnia quippe ad amputationis opus prompta vides. Sed immortale manet te decus, si quod reliquum est curationis, natura idoneis adjuvata præsidiis exequatur. Hæc repetas ab accurata victus ratione, à venæ sectione, pro ætate, viribusque celebranda. Calidis quoque & spirituosis inunctionibus partem soveas, quæ amicum concilient calorem, usque dum sanguis novas sibi eundo vias expedierit, nativum vitæ somitem redditurus.

Non ergo, vulnerata crurali arteria, ab amputatione auspicandum.

• The same of the



CXXXIV.

QUÆSTIO MEDICO-CHIRURGICA,

Praside

M. THOMA RENATO GAGNIER:

Respond.

LUD. FLORENTIO BELLOT

BACCAL. PARIS.

Parific 13 April. 1734.

An in artuum excisione tutius a ligatura, quam ab alia compressionis specie sistitur sanguis?

Tom V.

X

